



# KŌHANGA REO

Kōrerohia ō wheako me ō maharatanga



## » Kupu Whakataki

### Introduction

## He tau reo Māori te tau, he tau whakanui te tau!

He tau whakahirahira te tau 2022 mō te hitori o te whakarauoratanga o te reo Māori:



# 50

Kua 50 tau i te whakatakotoranga o te Petihana Reo Māori ki te whare pāremata.




# 40

Kua 40 tau i te tuwheratanga o te Kōhanga Reo tuatahi.



# 50

Kua 50 tau i te rewanga ake o te whakataetae kapa haka ā-motu, ko Te Matatini.



# 40

Kua 40 tau i te pāhotanga tuatahitanga o Te Karere.



# 35

Kua 35 tau i te whakamanatanga o Te Ture Reo Māori.



# 35

Kua 35 tau i te whakatuwheratanga o Te Taura Whiri i te Reo Māori.

Hei āpititanga atu, ka whakanuia tuatahinga a Matariki i tēnei tau hei rā whakatā ā-ture, me ngā tau ngahuru e whakanui ana i ngā reo o ngā iwi taketake, ka whakarewaina e te Rōpū o te Rūnanga Whakakotahi i ngā Iwi o te Ao.

I upoko pakaru te iwi e riro ai te tāhuna o te reo Māori. He mea pakanga i ngā horopaki tūmataiti, tūmatanui e ngā kanohi me ngā tāngata rongonui, me ētahi hoki kāore i te pērā rawa te mōhiotia. Ko tētahi wāhi nui a tātou ā-mokopuna, ā-tūpuna nei hoki, he whakarongo, he pupuri hoki i ngā kōrero o ngā kaitiaki i tō tātou reo, me te hunga i rongo i te ngawhi i tōna ngarohanga. Mēnā rānei he maharatanga ōu mō ngā kaupapa o mua kei runga ake, e pōhiri ana mātou i a koe kia kōrerohia o wheako o ērā wā. Me whakamānawa e tātou ngā rā ki muri, ā, me kōkiri whakamua hei painga mō ngā rā kei tua.

Waiwhetu Kōhanga Reo 1983




## » He whakatakanga

Māu anō e whakatau me pēhea te tuku i ō kōrero, o ō maharatanga: mā te ataata, mā ngā whakaahua nō mua, mā ngā hopunga ataata, mā ngā hopunga oro, mā ngā uiui me tō whānau, mā ngā waiata, mā ngā kōrero tairitenga, mā ngā mahi toi, mā te reta rānei ki ō mokopuna/tūpuna. Tērā pea ka hiahia kē koe ki te tuku pōhi mai, ki te tuku Tiktok mai rānei mā te pae pāpori, tae noa ki te hangarua i tō whakaahua nōu i te Kōhanga. Māu anō e whakatau me pēhea te tuku mai i ō kōrero.

## » Te tiri


Mehemea ka pīrangi koe ki te tiri i ngā tuku kōrero, hopunga rānei, anei ētahi wāhi e taea ai e koe ērā te tiri:



### Te Wā Tuku Reo Māori 2021 | Your Moments

From schools, to workplaces to whānau and friends. Thousands of New Zealanders stopped to share in a moment of unity for our people and our language. In joining our Māori Language Moment, you became part of a movement that began a generation ago.

Kia kaha te reo Māori!  
Kia kaha Aotearoa!



### ► ReoMāori.co.nz

Kei tō mātou paetukutuku, kei [www.reomaori.co.nz](http://www.reomaori.co.nz) ngā whakaahua, ngā ataata, me ngā mauhanga kōrero e pā ana ki ngā kaupapa hira me ngā mahi mō te reo Māori. Ka āhei tōu ake whārangi te whakarite, e tūhono ai koe ki ngā whakahaere, ki ngā rōpū rānei, e tiria ai ki tō hapori.

### ► Pae Pāpori

- › Ka taea e koe ō kōrero te tiri ki tōu ake pae pāpāho pāpori e kitea ai, e rangona ai e ō hoa me tō whānau.
- › Ka taea e koe te tiri tūmatanui i ō kōrero me te tohumarau #reomaori, e kitea ai i ngā paepāpāho pāpori a Te Taura Whiri i te Reo Māori.
- › Ka taea e koe te tiri ki tō hapori, ki tō kura rānei kia pōhi ai, kia tiria ai hoki e rātou.

### ► He āpītitanga

He kawerongo ā-rohe, he huarahi anō pea e pīrangitia ana e koe kia tiria ō kōrero. He rite tonu te rapu a ngā reo irirangi ā-iwi me te hunga pāpāho Māori i ngā kōrero o ngā tāngata o te rohe tonu.





# TE TAURA WHIRI I TE REO MĀORI

MĀORI LANGUAGE COMMISSION



2022-2032 | INTERNATIONAL DECADE OF  
**Indigenous Languages**

